



**Senin, 26 Oktober 2020**

Ogen: Roma 1: 1



Terus Beritakan



**R**asul Paulus, eme rasul si metanggung jadi usihen i bas pelayanen, ia tutus dengen ergiah-giah kal ukurna i bas dahin mpembarken berita si meriah. Labo lit tantangan si mberat akapna si banci mahanca ia ngadi erberita. Tantangan penjara (Perb. Rasul 16: 23), tantangan daerah pelayanen/perdalinen guna seh ku bas ingan pelayanen (2 Kor. 11: 26-27), tantangan kurang kesehatenna (2 Kor. 12: 7) la ngambati ia guna erberita.

Adina enda iusih kerina kalak Kristen i bas tugas meritaken Berita Si Meriah, tentu pedas reh mbarna Berita Si Meriah i bas doni enda. AsumTuhanta Jesus Kristus nangkih/ iangkat ku Surga, pedahna man ajar-ajarna emekap guna erberita. Gelah berita si meriah e la ngadi i bas ajar-ajarNa ngenca, tapi terus kempak kalak si enggo megisa dengen ngaloken Kristus jadi Tuhan dengen juruselamatna, dengen kalak si nggo tek ndai terus ka erberita. Bagi tongkat estafet la erngadi-ngadi ipeseh ku jelma si deban guna memenangken pertandingan e. Adina rasul Paulus ngatakenca, maka ia enggo ipilih dengen iserapkan guna meritaken berita si meriah e, janah kita pe kalak Kristen, kalak si enggo idilo i bas si gelap nari ku terangNa si lanai kal langlang ulina (1 Pet. 2: 9).

Kita pe enggo ngaloken pendilo guna meritaken Berita Si Meriah e. Genduari si jadi perenungen: tantangan kai nge si mahanca maka kita lanai erguah-giah nerusken berita e? Mberat kal kin si akap neruskensa? Adi siukur-ukuri pe, tah labo ban beratna. Kininggitennta ngenda si perlu isiksiki. Adi idilo Tuhan kita ugape lit atena si man suruhenna. Bali ras orang tua ndilo anakna, sabap lit sura-surana nuruh anakna e. Si perlu si inget, adi isuruh Tuhan kita ugapa pa berekenna gegeh ndalanken persuruhanNa e, janah ikawaliNa kalak si ndalanken persuruhanNa.

*Jesus Kristus Juuslamat e tetaplah beritaken!*